

光緒南匯縣志

地210.2
39
部=11

卷一	疆域	諸圖	凡例	序文	卷首
----	----	----	----	----	----

子圖 雁圖 出 式 十 圖 十 圖

光緒五年春開雕
板藏署東稽叡官

南匯縣新志序

聖門論政既庶之後曰富曰教固循序漸進之全功實防弊未然之微旨也何以言之庶而不富轉徙流離無以保庶矣富而不教飽食煖衣驕奢淫佚無以保富矣南匯析自上海蕞爾邑市塵櫛比亂後旋定安集戶口日滋較舊志有過無不及庶矣然而積儲有經溝洫有利爲民間有無緩急之通旱乾水溢之劑者雖粗具規模非再求美且備焉吾懼無以應於猝也若夫講孝弟敦節儉次第設施於既富後者則視良有司之自致民何容心焉海宇幸而無事其綢繆牖戶時乎

南匯縣志

序

子弟庶無戾聖門論政之旨而

朝廷以身作則爲不虛矣續修縣志成邑令顧君思賢以序請爲書數語進顧君且以自勵也

光緒戊寅夏五督江使者侯官沈葆楨謹敘



南匯縣新志序

南匯縣於雍正四年析自上海大海環其東南潮汐所至於此迴瀾南派入浙江北派入大江故名非特東南一郡之屏障實亦江浙海防之要衝地勢如犁狀突出洋面長興欽公首宰是邑以分邑應有專志得朱之屏鶴沙志及蔣思永分縣志而纂輯之是南邑有志之始旋有陸學淵副志乾隆五十九年孝感胡志熊繼之迄今八十餘年典章日軼大懼文獻之無徵爰命牧令顧思賢延邑人士之誠懇多識者重加修輯次第成編其閒田賦之乘除營制之改革禹筴之短長建置興復之紛繁犁然咸備至其條例頗爲精審如田畝場園蘆洲屯田自宜列於田賦而不

南匯縣志

序

一

隸於疆域學校以示尊崇不可隸於建設人物不專科第自應別爲選舉其他圖志或增或併亦屬秩有條理庶幾欽胡二志不得專美於前亦余實事求是之心也夫光緒四年歲次戊寅春二月撫吳使者吳元炳謹序

南匯縣新志序

南匯以雍正二年割上海分建時長興欽公連首宰是邑因據上海志鶴沙志成縣志十六卷旋有陸公學淵著副志以補苴罅漏攷證訛謬厥後乾隆五十有九年孝感胡公志熊繼宰是邑因欽志之舊而續修之成新志十五卷事增文減頗爲完善迄今又八十年矣中經兵燹書缺有閒時事遷流因革不一若田賦若營制若鹽法若水利若農桑學校市廛倉廩以及備荒恤孤諸舉皆王政之所發施而良有司所宜時時留意非可以苟焉忽焉已也邑境右臨浦江左瀕大海海底盡鐵板沙巨艦不得深入有濠塘可資拒守非如上海寶山之瞬息揚帆直薄城下也境

南匯縣志

序

內新場鎮左右最爲沃壤餘地半多斥鹵舊時下沙大團頗饒鹽筴今土脈漸淡煮海之利蓋稍微矣今幸大難削平百廢漸舉而民困甫蘇元氣未復更宜何如勵精淬神究心利病耶同治十有三年知縣事者爲秀水金公福曾實始有事於修志聘邑人士分類集修延張訓導文虎總之未幾而中丞固始吳公有續修江南通志之舉檄下郡縣各事采輯於時新興顧公思賢復繼金公爲南匯令因詳加審訂次第成編歲事於光緒三年某月夫志者識也識大識小俾後世有可稽考也二君子者固皆能勵精淬神究心利病者耶抑亦深可嘉也是爲序

光緒戊寅六月江蘇布政使勒方鐸謹序

南匯縣新志序

南匯民風樸素未分縣以前風土之紀人物之志闕如也自雍正四年析上海東南境爲縣長興欽君首率是邑因朱氏鶴沙志備蔣氏分縣志稿成分建南匯縣志十六卷厥後孝感胡君志熊重加采輯爲新志十五卷距欽志之作已六十年私家著述視昔尤稀文獻之徵君子嘆焉同治十三年春秀水金君福曾權知是邑則距胡氏修志已八十年上溯欽志且百四十年歷時彌久又洵遭兵亂舊聞墜典放軼滋甚懼紀述之無徵思典型之尙在乃請於大府有事修輯延張嘯山先生總司其事張先生名文虎本邑人耆德宿學於鄉里聞見尤極該洽金君亦好古不

南匯縣志

序

一

怠綱羅蒐輯端緒漸興未幾金君謝事去而新興顧君思賢實來君久官江蘇咸豐間嘗宰奉賢縣與南匯接壤張先生昔年亦通雅故相與踵事增訂賞析異同會大中丞吳公有續修通志之舉旣飭各屬先成縣志復以松江一府命太守龔君壽圖董其成龔君奄有三長大雅宏達君子也於是官師皆一時之選閱歲未久書用告成將付剞劂顧君屬序於余自維譎陋曷足以贊一辭顧受其書而讀之見賦役之乘除營制之因革學校壇廟建置之宜水利鹽課旺衰之迹以至藝文之著錄人物之表彰犂然秩然旣美旣備而義例之善史裁之卓尤有足爲志乘法者洵乎江淹有言非老於典故者不能爲善作善成諸賢適

會非偶然矣抑余重有慨焉南滙析自上海俗尙未變城
市民居亦知重農務本而上海自通市舶侈蕩奇麗甲於
天下一浦東西之隔風尙截然其初固一縣也詢之故老
三四十年之前雖商賈輻輳市廛之間猶未至以華囂相
耀考其民俗實與南邑相類及今而究遷流之故思挽救
之方所謂一命以上與有責焉者也然則讀是編也豈惟
是考獻徵文爲掌故之資而已哉

光緒四年戊寅正月布政使銜署理蘇松太兵備道海關
監督貴池劉瑞芬序

南匯縣志序

按籍以爲治可乎不可也去籍以爲治可乎愈不可也余於咸豐初筮仕江蘇惟時洪逆陷金陵而隸於蘇州布政司者惟上海爲別賊竊據二年其他固無恙也余每至一官取縣志讀之溯其成書或百餘年或數十年閱時不爲不久然惟人物選舉藝文或有增益有待采輯而已及寇氛蔓延迄今戡亂兵農學校諸大政大府數鉅公乘時通變經營酌劑復數載而後定而民居土俗消息盈虛卽十餘年中余所及見亦多有改易證之前志乃邈焉如古初之不可復接蓋時與勢之不同如此南滙分自上海長興欽君連首膺是選始纂邑志閱六十年而孝感胡君志熊

南滙縣志

序

繼之暨今又八十年矣同治間前署令秀水金君福曾有志修輯邑之紳士詢謀僉同遂延邑張學博文虎爲總纂條例旣舉而金君遷任去予適補官會大中丞吳公以通志之役命太守龔公監督松郡乃討論文獻商略一是首尾五載蒼萃略定因復檢舊志而校證之則減漕而後歲賦殊矣水師新設營制異矣學官弟子之額屢加斥鹵沙塗之地日徙犖犖大者損益已多而河渠之通塞鄉鎮之盛衰穀倉桑園善堂義塾之建置昔所以因今所以革條分綱舉粲然畢陳後之覽者庶幾考信而不惑矣顧嘗以爲典章制度因時而變者也風俗人心不必因時而變者也南滙在蘇松間號爲易治兵亂以前余兩權奉賢壤地

相接聞父老言南滙風土樸直尙氣好勝在昔分縣之際
武勇著於州郡然士知正誼農不惰安工不爲奇麗商罕
遠賈類能勤業而知務本近數十年亦稍稍變矣今余來
茲五年幸相安無事間接士紳肫然相親惟鄉愚細故輕
赴訟庭徒爲吏役之利余每速聽而立結之俾免此曹之
劫持雀鼠之爭其少息乎夫有樸直之風而勤業務本樂
善崇義則尙氣好勝適以成其志余於此邦有厚望焉而
豈徒屑屑焉鉤稽簿書參考掌故爲哉是爲序

光緒五年己卯三月知府用知南滙縣事新興顧思賢撰

南匯縣新志序

松郡七邑惟南匯爲東鄙俗樸而民儉號稱富庶同治十有二年福曾承乏此邦撫治之餘察其人情風土與其衣食根本殊異於所聞接其士紳講求利敝所在僉謂固由匪擾之後元氣未復而今昔情形亦有不知其何爲而遷變者乃索觀其志乘欽志作於分縣之始胡志作於乾隆之末相去幾六十年而兩志所紀已有不同自胡志至此又八十年矣宜其不能盡合也時 憲行有飭屬修志之舉以言於諸君則以爲宜商諸張學博嘯山乃馳書金陵介錢京卿子密致之學博以年老且書局事不得解爲辭是冬暫假歸福曾亟訪之仍固辭往復再三福曾責以桑

南匯縣志

序

一

梓之誼且眾議皆同成否一言耳學博不得已乃諾福曾請先爲條例學博因歷數修志之難與其敝畫一其所以爲志者福曾上之 撫軍張公 公韙之諭如所陳乃設局署之積穀倉福曾閒問學博曰志事二年可竣乎學博笑曰三四年慮猶未也夫采輯故錄則文獻散佚搜訪新聞則舟輿跋涉盛暑雨雪人情所畏水利通塞歲有變更且彼任事者孰無室家妻子之累或且授徒餬口焉得子身無事之人而任之且一人之耳目有限不得求助於人而助之者豈必皆諦審其實道聽塗說言人人殊是在分纂者之折衷一是而今所定條例或不能無變通增減蓋有已登梨棗而猶需剋改者豈渠能急就乎福曾觀欽

志條例爲顧小厓侍講所定經修七八年始刊行而議者
紛然學博言殆非謬是時同治十三年之春也及秋福曾
調署吳江新興顧君竹城來補斯缺歲軌五周矣顧君知
此事之不可以促迫也寬以待之福曾頻年奉檄振飢豫
晉日在車塵馬迹閒蒿目驚心慘慘靡樂忽接諸君書言
志事已蕪不可無序則爲之一喜雖然福曾何以序此志
哉邑之情形與修之條例具於志無事贅述姑述當日議
修之緣起於此抑有所急欲爲邑之人告者豫晉皆雄省
其俗視江浙尤爲儉樸乃棄其稼穡而驚鬻粟之利溺於
蠱毒而不返天降之罰以至道殣相望餓莩枕藉而煩東
南之助振夫南邑之富庶非一日而今日且日衰益亦熟計
南滙縣志

序

二

其所以變遷之故鑒於覆轍爲七邑倡而洊復當日之盛
此福曾於數千里外所惓惓不能忘於是邑者也光緒五
年歲次己卯冬月嘉興金福曾識

光緒南匯縣志凡例

一南邑析自上海雍正三年長興欽公首任是邑卽創修邑志六閱歲而始成蓋本朱之屏黃仲若所輯鶴沙志及蔣思永新分縣志而增修之迨乾隆八年邑人陸學淵作副志視欽志加詳矣又後五十年而孝感胡公重纂新志尤爲詳悉迄今又八十餘年天道十年小變至於人事何獨不然況自咸豐以來中更兵燹文獻凋落采訪綦難誠非朝夕所可集事寬其歲月廣其蒐羅擇以精心持以固志實事求是勿徇私勿隨俗蓋餘五年而始潰於成非緩也不得已也

一鶴沙志新分縣志據胡志其時似尙存今已失傳陸志

南匯縣志

凡例

一

雖存而已殘缺又遭蠹蝕不可檢閱皆未見槧本欽志祇分六類胡志廣爲十三其子目分合互有同異今參酌於兩志之間約爲十六類爲子目八十有六附見者二凡二十二卷合首末爲二十四卷事主於詳而不欲濫文主於簡而不敢漏所與同人共勉者如此而已非敢必其果副也

一全境水利二圖欽胡兩志互有詳略今合兩志參以訪冊或并或刪俾一目了然得其要領川沙廳已別有志故不復列圖

一糧倉向在周浦鎮以便漕運故胡志有圖倉燬於咸豐三年自是以來全漕改折久未議復故今祇存其梗概

於建置志惟積穀倉爲同治十一年創建條理井井圖之以期垂久

一惠南書院胡志附見學校圖今別爲圖以爲人文勸
一欽志壇廟亦隸建設胡別分祀典志然所列不盡應祀典也今改題祠祀志凡城鄉諸雜祀皆附此
一欽志武衛亦隸建設胡別分武備志稱名不當今改題兵防屯田已見田賦營官列於官司至兵燹所以紀事不宜附兵防之後今別入雜志

一有國者設官分職以爲一朝制度故史有職官志今一隅之地守土而已欽志題爲官司是也而統於建設則非今從胡別立志而名從欽欽志名宦冠於人物志胡南滙縣志

凡例

二

題爲宦績列於此今亦從之

一欽志科第錯出於人物志今從胡別爲選舉志舊附封贈例仕習非成是姑從俗登其實缺者

一欽志無藝文今從胡志但搜采續增必須目見不敢但據空名考志者宜本此爲實其非灼見或已佚者僅載傳內兩不相蒙閒有小集以分目欠晰及傳簡難再刪者始互見一二

一人物志欽胡兩志各分傳目中有疑似可互見者蓋子孫述德才華必兼經濟學問必擅辭章文飾鋪張幾於人人具美雖其中閒有一二而安能盡攷其虛實嘉定錢少詹修鄞志總題人物不分名目引寶慶延祐兩志

上海志亦依陸慶循修例而獨分藝術則自亂其例今擬依古人台傳之例其無他長可見者立一人爲首而牽連書之惟列女游寓自當別題方外則自爲一志以寺觀僧道教堂隸焉勿使其溷乎我教也耆碩亦不標名如藝術例

一欽志坊表附於建設胡志入之雜誌上海新志附之街巷於意不安今別爲名跡志與古跡第宅園林冢墓爲類碑刻絕少各附於當處

一風俗爲郡邑志之急務舊多附之雜誌非是今別立志而詳著其利敝以爲官斯土者因勢利導矯枉正俗之本其物產則取獨異於他處者著之

南匯縣志

凡例

三

一祥異遺事皆紀事也無類可歸各志隸之雜誌兵燹亦然今從其類凡遭寇死者隨其地其時皆系於此其確有拒賊不屈事跡昭然者仍著錄於人物志

一自嘉慶十年始析南邑十畝以與川沙則未析以前例宜詳載旣析以後川沙自有志宜可從略惟學校統於南邑科第故仍載入云

一志中例采前人詩文然必有裨於當地掌故古跡可攷見盛衰者始附之或有補於采風問俗可推知民隱者附之至於流連光景一時興到之作并有全不關本地者概不采入

一凡載筆之事必先不私於己而後能不私於人一有偏

徇反脣立至錢少詹言近代士大夫一入志局必欲使其祖父族黨一一廁名卷中於是儒林文苑車載斗量徒爲後人覆瓿之用此論甚篤竊嘗以此自律并以告諸君子倘有遺漏請待續修

光緒南匯縣志目錄

卷首

序文

凡例

諸圖

卷一

疆域志

形勢

界址

鄉保區畧

邑鎮

街巷附

團路

卷二

水利志

海

洪窪

海塘

黃浦

川港

開濬

南匯縣志

目錄

橋梁

津渡

卷三

建置志

城池

萬壽宮

衙署

倉廩

禁獄

郵鋪

桑局

義舉

義田

會館附

義冢

卷四

田賦志上

恩蠲

田畝賦額

運解存支各款

卷五

田賦志下

鹽場

鹽竈附

蘆蕩

漕運

屯田

雜稅

積穀

卷六

戶口志

戶口 恩賚 恩賑 義賑

卷七

學校志

學宮 學額 學田 書院 田畝各公費 鄉約

鄉飲 義塾

卷八

祠祀志

壇 廟 祠 雜祀廟宇

南匯縣志

目錄

二

卷九

兵防志

南匯營舊制 兵額 馬匹 巡船 南匯營外

海水師新章

拓林營移駐管轄

校場 汛地 墩臺

卷十

官司志

知縣 訓導 縣丞 典史 鹽課大使 參將

都司 守備 外海水師營員 宦績

卷十一

選舉志

召試 欽賜 辟薦 進士 舉人 貢生